

Kjære medarbeidarar Magnus, Arild, Frode, Rønnaug og Sigrid.

I desember 2016 mottok eg eit brev frå bispekontoret om at den lokale grunnordninga for Vangskyrkja i var godkjent.

Soknerådet oppnemde desse til å sitja i eit gudstenesteliturgiutval: *Kjersti Brakestad Boge (sokneprest), Magnus Kløften (kantor), Torill Ringheim (frå klokkarlaget), Inger Sigh Pedersen (frå soknerådet), Britt Hernes (frå førre utval) og Nils Dagestad (frå gudstenestenemda).*

Vi møttest 25.10.2017, 22.11.2017 og 04.01.2018.

Mandatet var:

Å utforme forslag til liturgi til lokal grunnordning for høgmesse i Vangskyrkja.

Førre liturgi vart ikkje godkjent fordi den var for lik det som var før. Vi må i større grad sette fastsetta kva for alternativer som skal brukast i Vangskyrkja.

Utgreiing:

Vi treng minst 3 forskjellige liturgiar:

- Høgmesse med dåp
- Høgmesse med nattverd
- Høgmesse med dåp og nattverd

Trusopplæringsutvalet skal levera forslag til familiegudstenester.

Ut frå gudstenestebokka skal nemnda levera forslag til:

- Førebuingdelen – utforming
- Samlingsbøner som brukast til forskjellige gudstenester
- Dåp, kor skal den plasserast
- Dåpslys og bruk av dei
- Når namnet til dåpsbarnet skal nemnast
- Syndsvedkjenning, plassering og val til forskjellige gudstenester
- Kyrie og Gloria, høgmesse og høgtider
- Litani og bruken av dei
- Dagens bøn?
- Kor mange tekstlesingar i forskjellige gudstenester
- Evangelieprosesjon?
- Truvedkjenning, apostolisk og eller nikensk
- Kunngjeringar, kor?

- Vitnemål, helsingar, forbønsønske, kor?
- Forbøner og svar
- Minnast dei døde?
- Takkoffer, plassering og korleis?
- Frambering av nattverdsgåvene?
- Vin, kva slag?
- Brød, kva slag?
- Utdeling, stad og form
- Fader vår eller Vår Far
- Fredshelsinga, andre del?
- Kyrkjeklokkene
- Stå og sitja under første og siste salme
- Liturgisk musikk til Kyrie, Gloria, Credo, forbøn, prefasjonsdialog, Sanctus, Fadervår, Agnus Dei, Velsigninga
- Retningslinjer for når ein skal feira forskjellige gudstenster, trusopplæring, implementering av diakoni og kyrkjemusikalske planar.
- Kor ofte det skal vera dåp

Våre vurderingar:

Liturgi kjem frå gresk, av *Laos og ergos, folk og arbeid*. Etter vår meining er det viktig å skapa ein liturgi for høgmessene som oppmuntrar til deltaking for alle. Det er også viktig at folk etterkvart kjenner igjen både dåp og nattverdsliturgiar, både med innhald og plassering i gudstenestene. Samstundes er det viktig at høgmessene ikkje blir for lange for ofte.

Vi vil halda fram med førebuingdelen, slik den er i dag. Utan ekstra informasjon eller stille stund.

Vi har sett fram forslag til samlingsbøner til dei ulike høgmessene som vi ynskjer blir brukt. Til vanleg ynskjer vi ikkje å bruka Dagens bøn. Men liturgen kan velja det i staden for samlingsbøn, dersom han/ho finn det best for innhaldet i søndagen.

Vi ynskjer at dåpen alltid skal koma tidleg i gudstenesta, slik at dåpsfylgjet faktisk deltek i gudstenesta og slik at folk flest opplever at ordninga samsvarar frå gong til gong. Vi ynskjer at namnet til dåpsbarnet ikkje skal seiast før dåpen og at fullt namn skal kunngjerast i kunngjeringane.

Vi ynskjer å halda fram med ordninga med dåpslys.

Vi ynskjer at dåpsfylgjet blir sittande i gudstensta til Utsendinga er ferdig.

Vi ynskjer å halda fram med å ha syndsvedkjenninga før forbøna i Høgmesse med dåp og natt verd og Høgmesse med nattverd. Under Høgmesse med dåp ynskjer vi å bruka samlingsbøn 6 som handlar om dåpen og som inneheld ei syndsvedkjenning.

Vi ynskjer å halda fram med å syngja Kyrie og Gloria slik som i dag. Vi ynskjer også bruk av utvida Gloria på Høgtidsdagar.

Vi ynskjer å få utforma ei lokal forbøn som brukast i Høgmessene. Det gjerast i desse dagar. Vi ynskjer bruk av Litani i fastetida og bruk av fredslitaniet på 17.mai.

Vi oppdaga at det er opning for at høgmesser ikkje må ha tre tekstlesingar. Vi ynskjer å ha tre tekstlesingar i Høgmesse med nattverd, to tekstlesingar i Høgmessse med dåp og ei tekstlesing i Høgmesse med dåp og nattverd.

Vi ynskjer å halda fram med å bruka den apostoliske truedkjenninga til vanleg, men ynskjer å bruka den nikkenske truedkjenninga på 1.dagar.

Vi ynskjer å halda fram med kunngjeringane som i dag og at vi minnst dei som er gravlagde sidan sist. Dersom det skal vera helsingar i gudstenesta er det naturleg under kunngjeringane.

Vi ynskjer å halda fram med takkofferet som i dag, før nattverdsliturgien startar, som eit eige ledd, slik at ingen skal føla at dei må betala for å få nattverd. Vi ynskjer heller ingen frambering av nattverdselementene. Vi ynskjer avalkolisert vin og glutenfrie oblatar som i dag. (Oblatane kunne godt vore større, då var det også enklare med intinksjon).

Vi ynskjer som regel å ha knelig ved alteret under nattverden, kontinuerlig for å spare litt tid.

Vi har valt ei ønska nattverdsbøn alt.E som vil verka gjenkjennbar frå gang til gang. Men liturgen kan velja ei anna.

Vi ynskjer å ha med Fredshelsinga og at kyrkjelyden helsar på kvarandre.

Vi ynskjer å byrja å bruka Vår far i himmelen.

Vi ynskjer å halda fram med den liturgise musikken som i dag.

Vi ynskjer at kyrkjelyden står under siste salme.

Trusopplæringa har utforma eigen liturgi for sine samlingar.

Vi ynskjer som hovudregel å ha dåp 2 gonger i månaden.

Dykkar oppgåve:

De får desse liturgiane til gjennomsyn, fordi de er viktige medarbeidarar i gudstenesta og kyrkjelydene.

Uttalene dykkar følgjer saka til sokeråd, soknemøte og etterkvart til Bjørgvin biskop.

Dersom de vil levera ei uttale, ynskjer eg å få den tilbake til meg innan ei veke, den **15.januar**, slik at vi kan ta uttalene med til soknerådet 18.januar.

Vi skal ha årsmøte 4.februar, då skal liturgiane leggjast fram.

Venleg helsing sokneprest Kjersti Brakestad Boge